

四庫全書

史部

欽定四庫全書

隸釋卷十五

宋 洪适 撰

賜豫州刺史馮煥詔

費亭侯曹騰碑陰

廣漢屬國辛通達李仲曾造橋碑

廣漢太守沈子琚縣竹江堰碑

鄭子真舍宅殘碑

金廣延母徐氏紀產碑

都鄉正衛彈碑

舜子巷義井碑

并陰

賜豫州刺史馮煥詔

告豫州刺史馮煥今

闕下

常為效用邊將統御

闕下

內以威

恩撫喻杜

闕下

去車鮮卑連犯鄆塞

闕下

過掩卒搗穀無距

捍

闕下

率攝大守以下進退

闕下

曾不表罪誅多攤

闕下

麗王

官儻輕狡獪

闕下

織

闕下

絕宮不自效楚

闕下

化頃屬樂浪久

兵

闕下

當所謂設訖不定決

闕下

月左右欲來犯法

闕下

北顧

傷心

闕

煥有

闕下

翼煥能竭心盡慮有

闕下

上如不從化對

錄部

闕下

惟前後詔書以前人

闕下

侍御史便宜殿上

闕下

元初六年十二月

右賜豫州刺史馮煥詔安帝元初六年也首云告豫
州刺史馮煥者漢詔之式如此帝紀注云漢制帝之
下書有四一曰策書編簡也其制長二尺短者半之
篆書起年月日稱皇帝以命諸侯王三公以罪免亦
賜策而以隸書用尺一木兩行書之二曰制書其文
曰制詔三公皆璽封尚書令印重封露布州郡三曰
詔書其文曰告某官云如故事四曰誡敕其文曰有

詔殺某官此詔云去年鮮卑連犯鄣塞列傳云元初
五年秋代郡鮮卑穿塞入寇攻城邑燒官寺殺長吏
發緣邊甲卒黎陽營兵備之其冬又入上谷六年秋
入馬城度遼將軍鄧遵率南軍于擊破之按馮君乃
車騎將軍緄之父緄傳云煥爲幽州刺史又煥有墓
闕題云豫州幽州刺史馮使君神道元初季年豫州
境內無盜賊事上谷代郡皆幽州所部詔有北顧傷
心及項屬樂浪之文亦幽州語也詔中諭其竭心盡

慮而使之便宜數上必是自豫供幽而賜此詔其石

下斷惟存上八字文意不能詳考煥猶在豫故其前

尚稱故官也

犯即犯字過即過字鴉般即擣擊字儻即慄字獨即猾字織即織字屬即屬字

費亭侯曹騰碑陰

惟建和元年七月廿二日己巳

皇太后曰其遣費亭侯之國爲漢藩輔臨君境內毋有

出

闕六

變卒

闕七

百姓不可不愛不愛則不附大臣不

親百姓不附可不慎

下闕

制曰闕寺中常侍費亭侯曹騰騰見克

先帝能自奮拔於險阻之中不陷乎羣小害己之譖遂

亦闕五

前後英謀

闕二

進賢納

闕

踐肱之初受爵于東

土厥功章然騰守足退居約身自持遭離母憂孝行純

薦闕

慎禮紀喪能過哀服祥有不忍遠離之恩情

闕感

病毀性早薨朕甚閔焉詩曰靡不有初鮮克有終騰能

終之春秋之義旌

闕

采采巨勸為善及其在殯使兼諫

議大

闕六

特進贈費亭侯印綬魂而有靈嘉其寵榮鳴

呼哀哉

右費亭侯曹騰碑陰水經云譙縣有曹騰碑題云漢故中常侍長樂太僕特進費亭侯曹君之碑延熹三年立碑陰又刊詔策二歐趙不指此爲曹騰碑陰失稽考也本傳云騰自安帝時爲黃門從官後以定策立威宗與州輔等七人皆封侯至大長秋此碑前一篇建和元年七月己巳就國策書乃梁太后臨朝時也後一篇乃褒贈制書傳云奉事四帝而水經有括

則其亡在威宗時嗚呼東漢之亡也以閹官雖小人
道長作福作威履霜堅冰勢之必然者蓋上失其道
爾高帝約非有功不侯自和帝封鄭衆而苴茅裂土
者相踵至有同日十九侯者順帝又聽其養子襲爵
騰用事省闈三十餘年其養子嵩至於竊位台輔至
孫操遂問鼎矣

非與作同篆額今獨存云中常侍長
樂大僕特進費亭曹侯碑水經誤多

四
字

蜀郡屬國辛通達李仲曾造橋碑

惟延熹龍在甲辰三月甲子傷民稟集滑月扶攜關三

憂造比桎梏關之關基改奢就儉莫不安之以五月甲

午竟領道楊關荷杜仁領道楊瑗關二叙惠勒石文不

能嘆一以哀賢君其辭曰

關二我邦乾川垂極關二土執關汜反側位在角精崖

崖山巒水關汶江漂關湍濁道關阜阜棧格陵陵地則

居關新關二相竟關官關夷羌虜賊頃丰畔厲有道則

服有關二隘吏民關粟赫赫

皇辟矜哀下民命彼喉舌拜哉

明君惟君至真應甫及申

關

恩裒貧其知如

關

漢

關三

謀謨若神小閣

明府協同斷金西征鄙國撫育犁元除煩省苛公劉之

仁單甫牧英不忍戰民恤彼

關二

戲險登陵橋壞求正

歲歲

關二

津

關

滿首

關七

呵逞沔沈深往往覆沒傷害

行人四縣衝衝老弱所湛耿耿寔勞

關二

慇慇

關三

日

稜閔此之艱記吉領道杜沂楊瑗作荏橋梁帥爾徒屯

待事揚

關三字

守古荷賊曹掾杜仁至孝設懃雖不

關四字

出神祇祐助橋遂考

關

萌地賴祉子子孫孫百穀豐穰

內外靖安必

關三字

我

君高選取公

關

侯福汜後昆萬壽无疆干祿億丰

亂曰

關二字

我君明且

關

兮徠儀于國

關三字

兮吏民河潤

受靈福兮莫不慕化心如結兮

關十

鼎足期不逝兮

領道

關八

漢嘉楊瑗字

關二

領南部道橋掾軍功卒史

漢嘉杜沂字祖長漢嘉盟掾

關二

荷吏代誦從吏杜閏

荷吏

闕

省義工王文章義工

闕

二高義工王漢期義工

闕

三

義徒漢嘉

闕

杜

闕

時

下闕

右蜀郡屬國辛李二君造橋碑今在雅州碑首刻二人冠帶相向而坐一器居中如豆登之狀後有二人折腰低首雙垂其袖若胡舞者其上橫行有數字惟府卿明府四字不毀二人之下又橫刻二十有六字兼篆隸之體曰蜀郡屬國明府潁川陽翟辛君字通

進卿健爲李君字仲曾其下三字不可曉漢碑無如
是模式者首行云惟延熹龍在甲辰蓋威宗延熹七
年也石損字拙頗難想象其辭初云造此橋末云橋
遂考又云橋壞求正又云帥徒屯作橋梁而官屬有
領南部道橋掾則知此爲造橋碑也其辭云扶携濟
舟又云逆流沈深往往覆沒又云四縣衝衝老弱所
湛則知此橋跨據川險也其云赫赫皇辟矜哀下民
命彼喉舌拜我明君惟君至德應甫及申者頌辛君

也其云西征鄙國撫育犁元除煩省苛公劉之仁者
頌李君也中有協同斷金之句則知李為辛之佐也
二君遣杜沂楊瑗三四輩董此役起三月甲子以五
月甲午竟改奢就儉萌兆賴祉故勒石褒嘆而掾史
及義工義徒數人皆題其名于後惟二人稱荷吏而
杜仁稱荷賊曹掾所不可解鄰邑雖有荷節或是遣
吏助之又不應獨用一字也漢志屬國置都尉一人
丞一人又注引應劭云大縣有丞左右尉所謂命卿

三人小縣一丞一尉者命卿二人隸刻有武開明碑
終於吳郡府丞其子滎碑中書爲吳郡府卿沈子琚
碑有云縣丞健爲王卿諱某字季河据史及碑則漢
人蓋有稱其丞爲卿者此碑不顯題辛君爲都尉而
謂之明府則李君稱卿蓋是屬國丞也蜀人謂此爲
神水閣碑考其文則謀謨若神是絕句下文二字其
水似小其閣似閣特未能判今摘三語而強名之非

也

達即達字自即舟字
寢即寢字犁即黎字

廣漢太守沈子瑯絲竹江堰碑

熹平五年五月辛酉朔一日辛酉縣廿縣南闕川闕二

宮闕黃化出家錢建闕漢世誠明廣被四表南域墅

居蠻夷闕五戕賊闕連闕百姓被闕三羊十月廣漢大

守穎川長墅縣沈君諱闕字子瑯絲竹令安定樊君諱

闕以四車三月到官視事到官之初移風闕三占世土

百姓吏民皆有闕二之闕五弱不安躬耕者少溉田公

充諸縣瀟灘闕以陂田闕下誠道闕五施以周邵之化疾

犯王憲

闕

意吏民

闕

君遣

闕

志

闕

其本息

闕

佗瀕灘

化開渠口成而山足

闕

崔

闕

下君遣

闕

鄭施都

闕

水掾儀尹便且

闕

水曹掾王

闕

史

闕

刑世章築功又破

闕

截崖足開

闕

本

闕

民

闕

池

闕

甫田千

闕

難龍易

水由池中通利便好水未

闕

田即到下

闕

絲竹

闕

足

闕

字消散五稼豐茂

闕

民歸附

闕

亂

闕

曰聖帝明明

闕

蘭

闕

郡

闕

望

闕

下川

闕

欲行之

闕

以威德

闕

字闕三夏

闕

後

闕

下時成

闕

考

闕

甚

闕

縣丞捷為屬國王卿諱

關

字季河宣陽

關五

水曹史杜

慈字子仁共章

關三

右廣漢太守沈子琚絲竹江堰碑今在漢州靈帝熹

平五年立沈君字子琚其名不可辨碑載沈君以熹

平三年十月到郡絲竹令樊君以次年三月到縣雖

石多剥缺文句斷續其間指意猶可推尋蓋二人相

繼到官俱以移風惠民為意碑稱其視事之初百姓

躬耕者少溉田邱荒有遣都水掾水曹史等姓名有

繕作湖灘之句又有陂田及渠口之字未云水由池中通利便好五稼豐茂人民歸附所紀蓋水利之事也蜀人謂之絲竹江堰碑姑因其名云

碑以長壁為長社

鄭子真宅舍殘碑

上闕 所居宅舍一區直百萬 故鄭子真地中起舍一

一字 區作錢 下闕 故鄭子真舍中起舍一區七萬 故潘

蓋櫻舍并二區十一 下闕 故呂子近櫻一區五萬

故像櫻舍一區二萬五千 下闕 扶母舍一區萬二千

闕二 鳳樓一區三萬 闕二字 車舍一區萬 闕二字 奉樓

一區二萬 闕二字 子信舍一區萬

熹平四丰 闕 月丁酉朔 闕 柶為後 闕 第 闕 郎中 闕 賊曹

闕下 左都字彥和兼掾史 闕下 胡恩真道史胡陽 闕 文 闕下 文

闕 陳景玄雄等實 闕下 千九百八十其二 闕下 百舍宅奴婢

財物及臺為 闕下 妻無適嗣祖傳婢 闕 宜 闕下 分臺祖餘財

物所得 闕下 未知財事 闕 舉 闕 為領 闕下 婦 闕 精魂未滅而

有怨 闕下 春秋之義五讓為首 闕下 無 闕

右鄭子真宅舍殘碑所存其上十數字餘石碎矣首
云所居宅舍一區直百萬繼云故鄭子真地中起舍
一區七萬凡宅舍十有二區其次有辭語有歲月云
平四年上存四點必熹平也官吏有郎中及賊曹與
掾史又有左都字彥和及胡恩胡陽陳景等姓名似
是官爲檢校之文其中有宅舍奴婢財物之句其云
妻無適嗣又云未知財事其前有爲後二字則知旋
立嬰孺爲嗣也其云精魂未臧而有怨上有一字從

女當是其母則知其親物故未久也未云春秋之義
五遜爲首所以戒其宗姓或女兄弟之類息爭室訟

也碑今在蜀中

櫻卽樓字

金廣延母徐氏紀產碑

光和元年五月中旬金廣延母自傷紀考純徐氏元初
產永壽元年出門託軀金掾李本供

下闕

不並立朝爲

縣端首子男恭

闕

字子肅年十八

下闕

收從孫卽廣延

立以爲後年十八娶婦徐氏弱冠仕

下闕

終歿五內催

碎又少入金氏門承清滄之後訾業闕四步池一下闕

地耕殖陝少闕脩產業夫婦勤苦積入成家疆闕三止

足不下闕萬季本平生素以奴婢田地分與季子雖直

各有仝域闕二三下闕蓄積消滅責負報亡闕三立依

附宗家得以蘓下闕及歸故主三分屋一才得廿一萬

六百供竟下闕故文進升地一町直五萬五千家乃隕

收責地下闕雖直徑管耐駿勞來以闕國故闕子耐地

一町直下闕令能肯不闕二又所將闕及所闕如後可

服事勤

下闕

子孫以其不祭祀曾之不

闕拘持入門勤

苦五十

下闕

二萬四千其婦共衣食去笛之後悉以歸

雖直大婦

下闕

卅八萬小婦慈仁供養周厚奉順

闕媛

不離左右自

下闕

曰

闕

戀衛夫人之去婦之

闕

孤無

所歸輒為姪

下闕

之切

下闕

不

下闕

右金廣延母徐氏紀產碑今在雲安其辭云光和元

年五月中旬金廣延母自傷紀考妣徐氏元初產永

壽元年出門託軀金掾季本自此之後其石半滅所

存者其下段爾徐氏歸于季本有男曰恭字子肅早
終故立從孫廣延爲後廣延弱冠而仕又復不祿碑
云廣延年十八娶婦徐氏子肅亦有年十八字而闕
其下文當亦是載其昏聘子肅殘碑亦有妻字可證
徐氏自言少入金氏門夫婦勤苦積入成家又云季
本平生以奴婢田地分與季子雍直各有丘域繼云
蓄積消滅債負奔亡依附宗家得以蘇則雍直似是
季本庶孽不肖子分以訾產居之于外者徐氏老而

廣延死故又析其財有雍直徑管及志以歸雍直之
文慮雍直爲嫂姪之害也故刊刻此石其云大婦小
婦則子肅廣延之妻也碑稱小婦慈仁供養奉順不
離左右則廣延夫婦俱孝其云五內摧碎則可見子
孝而母慈也廣延雖非嫡長而事親久即世新故徐
氏舍子肅而稱廣延母也此碑字子肅之上有兩字
不甚明上一字髣髴是恭其下頗類成字但漢人無
二名而金恭有墓闕及殘碑皆云恭字子肅可以證

季本之子字子肅者即金恭也但恭之下多一字所

不可曉

碑以考純為考妣弱冠為弱冠清淪為清儉
催碎為催碎決少為狹少彘即奔字𠂔即𠂔

字

都鄉正衛殫碑

闕

四國

闕六

六公

闕

伯子

闕

呂

闕二十

其

闕十

國

闕

闕

九

於

闕

十

相扶助卒

闕

曰

闕二十

不彊

迄

于

中平

二年正月

闕

令

闕

國寧陵

闕

君諱脩

闕十

字

闕

中

丞董察

闕二

撫昆陽承

闕

亂之餘

闕

稱聖烈

闕

有林官

凡處

闕

循

闕六

軫既到庶

闕

巧

闕二

愍夫繇役之不

闕

乃

闕三

聖之

闕二

巧有

闕二

乃

闕

惟

闕三

聖之

闕二

巧有

闕

呂

闕二

忠於是

闕

乎輕賦

闕

之目臨

闕四

富結單言府珽董科例收其

闕

之目臨

闕二

時慕顏不煩居民時大守東郡玉瓌丞濟陰華林優邨

闕

民隱欽若是由

闕五

郡校劉

闕

為民約

闕三

乎無窮自

闕

是之後黎民用寧吏無荷擾之煩墜無愁痛之

闕二

民所利斯所謂惠康之業

闕

景均之

闕三

也政之

闕二

於

闕

是

闕

考成役之艱苦

闕

於

闕

是

闕

於

闕

是

闕

考成役之艱苦

闕

於

闕

是

闕

考成役之艱苦

闕

於

闕

是

闕

於

闕

是

闕

考成役之艱苦

闕

於

闕

是

闕

考成役之艱苦

闕

於

闕

是

闕

於

闕

是

闕

考成役之艱苦

闕

於

闕

是

闕

考成役之艱苦

闕

於

闕

是

闕

於

闕

是

闕

考成役之艱苦

闕

於

闕

是

闕

考成役之艱苦

闕

於

闕

是

闕

於

闕

是

闕

考成役之艱苦

闕

於

闕

是

闕

考成役之艱苦

闕

於

闕

是

闕

君敦詩說禮寧德亏民底闕輕賦帥約孔均絲役吕闕

士不闕六我好爵聿懷多闕明德惟馨民吕卒闕二

耕千耦梵梵柔稷弓骨闕二永闕不闕五中明慧通闕

若五大夫服厲闕四為闕掌領闕書闕二單錢復不闕

吏闕五若其闕勸導有功

時闕二范秩字元睢尉曹掾都闕字漢實史張芑字子

才有秩定陵杜則字孝闕七守字國寶陳闕四

右韻繩正衛彈碑隸額文十一行頌四行張芑杜則

數人題名二行靈帝中平二年立在汝州昆陽城中
水經魯陽縣有南陽都鄉正衛為碑平氏縣有南陽
都鄉正衛彈勸碑此則其一也趙氏誤認衛為街遂
云莫曉其為何碑予初得已翦貼本續後始獲全碑
考其文則縣令寧陵君承昆陽喪亂之餘慙繇役之
害結單言府班董科例收其舊直臨時募顧不煩居
民太守東郡王瓌丞濟陰華林優卹民隱為之立約
自是之後吏無苛擾之煩野無愁痛之聲其大略如

此又云因民所利斯所謂惠康之策又有輕賦歛及
役艱苦之語頌則美其輕賦均約蓋是紀述守令絲
役條教也前書食貨志月為更卒已復為正注云更
卒謂給郡縣一月而更者正卒謂給中都官者衛宏
漢官舊儀民年二十三為正一歲為衛士一歲為材
官習射御騎馳戰陣又云民給正衛材官年五十六
老衰乃得免為民酸棗令劉熊碑云愍念蒸民勞苦
不均為作正彈造設門更此云都卿正衛彈者與劉

君碑

闕

為茫茫顏即顧字瓌
即壞字塹即野字

碑以禁為禁
荷為苛梵梵

舜子巷義井碑

縣邑

闕二

宮前以宛

闕

汜

闕二

衣

闕

去古

下闕

踰疆者

闕二

弱

下闕

訾

下闕

鄉

下闕

任然

下闕

丁吉

闕二

守

府

下闕

如縣記利廣興

闕

中

下闕

記

下闕

百萬

下闕

光和三

車

闕

月

下闕

縣

下闕

發

下闕

州

下闕

計市馬

下闕

四萬

下闕

亂常

下闕

大

闕

木

闕三

會

闕三

百萬分

下闕

升

下闕

右舜子巷義井碑凡二十三行行三十七字石理皴
剥僅有五十餘字依約可辨其間有光和三年字知
爲漢碑也其始有縣邑二字蓋是叙述其事末有四
萬及百萬等字則是紀其所費也中有彊者弱者之
文當是彊者捐其財弱者輸其力也据水經云義井
出隨城東南常湧溢而津注冬夏不異下流與澇水
合又南注于瀕則此非穿鑿之井故工役之費至五
十餘萬碑在隨之舜子巷元祐丁卯年郡守許覺之

始徙于後圃識其陰云五大夫秦爵也秦距今千數
百年漢東故物獨此尚存又刻詩一篇於碑之額云
一千二百餘年外萬事銷磨不可尋舜子井泉誰記
古隨人間巷祇知今隸書字雜科虫體民爵名存樂石
陰登覽時來醒醉目猶勝他物在園林予謂秦人刻
石皆用篆許君不能詳視碑中光和紀年遂指此爲
秦碑非也

義井碑陰

五大夫王闕本二萬五大夫段闕本二萬五大夫段通

本二萬五大夫段闕本二萬五大夫魏忠本二萬五大

夫蔡闕本二萬五大夫魏加本二萬五大夫呂石本二萬

五大夫黃海本二萬五大夫段宮本二萬五大夫闕任

本二萬五大夫段闕本二萬五大夫段方本二萬五大

夫段錫本二萬五大夫闕萬本二萬五大夫陳闕本二

萬五大夫闕本二萬五大夫闕禮本二萬五大夫闕

字本二萬五大夫耿闕本二萬五大夫闕本二萬五大

字闕三本二萬五大闕三本萬五大闕三本萬五大闕三

本萬五大闕四萬五大闕四萬五大闕五千五大闕五

千五大闕五千闕一五闕分子闕四萬分子下闕分

子下闕分子下闕分子下闕分子梁下闕分子下闕分

子下闕分子闕二本萬分子潘闕本萬分子闕安本萬

分子闕二本萬闕二周閑本萬分子闕二本三千分子

字闕二本三千分子闕四千分子闕四千分子闕三三千

分子闕容本三千分子闕林本三千分子闕南本三千

分子闕將本三千闕子季宜本三千分子闕二本三千

分子樂 本三千闕三 分子黃國本三千分子孫景本

三千分子竇詡本三千分子廉祥本三千分子賈方本

三千分子黃遜本三千分子王潤本三千分子闕與本

三千分子闕二 本三千分子蘇尚本三千分子張栗本

三千分子張闕本三千分子闕二 本三千分子周謂本

三千分子周季本三千分子闕能本三千分子張宣本

三千分子闕海本三千闕二 分子張景本三千分子張

芳本三千分子龔儀本三千分子楊徹本三千分子唐

豪本三千分子孟戊本三千分子馬相本三千分子唐

闕本三千分子許臺本三千分子蔡泯本三千分子王

豐本三千分子黃持本三千分子張雙本三千分子郭

昌本三千分子闕本三千分子張濟本三千分子謝

林本三千分子闕本三千闕本三千闕一人

上闕羽下闕馬及下闕息勿下闕功下闕千下闕不下闕

門下諸下闕平馬下闕萬五千下闕死備如下闕自下闕

本兵

下闕

右義井碑陰稱五大夫者三十一人稱分子者六十人摩滅者數人題名之下又有數十字蓋是紀事之辭殘缺無成文者漢承秦制爵二十級其九爵曰五大夫帝紀安帝永初三年三公以國用不足奏令吏人入錢穀得爲關內侯虎賁羽林郎五大夫緹騎營士又靈帝光和元年初開西邸賣官自關內侯虎賁羽林入錢各有差則知漢末以貨受爵比屋皆然此

碑五大夫所以若是之衆也惟分子未詳穀梁曰燕周之分子也注云燕召康公之後分子謂周之別子孫也景北海碑鷄臬不鳴分子還養蓋用家富子壯則出分之語謂惡逆之鳥鉗喙無聲外爨之息歸奉三牲也耿勳碑脩治狹道分子効力謂正丁已供差徭分子亦來助役此碑分子似指土豪出分之子三碑皆與穀梁合

隸釋卷十五

欽定四庫全書

史部
隸釋卷十八

詳校官編修臣潘庭筠

編修臣程嘉謨覆勘

總校官進士臣繆琪

校對官助教臣羅萬選

謄錄貢生臣李玠

欽定四庫全書

隸釋卷十六

宋 洪适 撰

武梁祠堂畫像

四老神位神祚机

麒麟鳳凰碑

劉讓閣道題字

詔賜功臣家五字

中部碑

武梁祠堂畫像

伏戲倉精初造工業畫卦結繩以理海內

祝誦氏無所造為未有者欲荆罰未施

神農氏月宜教田辟土種穀以振萬民

黃帝多所改作造兵

闕三字

裳立宮宅

帝顓頊高陽者黃帝之孫而昌

闕二字

子

帝皓高辛者黃帝之曾孫也

帝堯放勳其仁如天其知如神就之如日望之如雲

帝舜名重華

夏禹長於地理

闕一字

泉

闕一字

陰隨

闕二字

退為肉荆

夏桀

自伏羲至夏
桀是一段

管仲

齊桓公

曹子封桓

魯莊公

闕一

字 侍郎

闕一字

專諸炙魚刺殺吳王

吳王

荆阿

樊於其頭

秦武陽

秦王

自管仲至秦
王是一段

闕二人名

豫讓殺身以報知己

闕一人名

齊王

無鹽媿女鍾離春

自豫讓至無
鹽是一段

梁高行

奉金者

使者

闕一人名

胡妻

秋胡

義姑姑

姑姊兒

衛將軍

自梁高行至衛將軍是一段

闕一人名

使者

長婦兒

梁節姑姑

掠者

姑姑其室失火取兄子

往輒得其子赴火如亡示其誠也

闕二人名

後母子

前母子

齊繼母

京師節女

怨家攻者

自使者至怨家攻者是一段

藺相如趙臣也奉璧於秦

秦王

范且

闕二人名

自藺相如至范且是一段

曾子闕二字 孝呂通神明貫感闕一 祇著乎朱方後世凱

戎闕二字 無綱

子騫後母弟 子騫父 閔子騫闕一 母居喪闕一 移

子騫闕一字 寒脚闕一字 失闕一字

老萊子楚人也事親至孝衣服斑連嬰兒之態令親有

驩君子嘉之孝道大焉 萊子母 萊子父

丁蘭二親終後立木為父鄰人假物報乃借與自曾子至丁蘭

是伏戲 下一段

金匱要略卷之六
卷十六
秀士

縣功曹

是豫讓
下一段

闕一人名

榆母

渠父

邢渠哺父

永父

董永千乘人也

章孝母

朱明

朱明弟

朱明妻

李氏遺孤

忠孝李善

休屠像

騎都尉

自榆母至騎都尉
是梁高行下一段

闕一人名

義源羊公 乞淥者

湯父

魏湯

闕一字

孝

闕一字

葬

闕一字

者

孝孫

孝孫

闕一字

父

自羊公至孝孫父是梁節姑下一段

右武梁祠堂畫像爲石六其五則橫分爲二梁高行

蘭相如二段又廣於它石所畫者古帝王忠臣義士

孝子賢婦各以小字識其旁有爲之贊文者其事則

史記兩漢史列女傳諸書合百六十有二人有標題

者八十七人其十一人磨滅不可辨又有鳥獸草木
車蓋器皿屋宇之屬甚衆水經云金鄉有司隸校尉
魯恭冢冢前有石祠自書契以來忠臣孝子貞婦孔
子及七十二弟子形像皆刻之四壁今此碑無闕里
聖賢知其非魯君石祠中物也又云鉅野有荊州刺史
李剛墓其石室三間四壁雕刻為君臣官屬龜龍
麟鳳之文飛禽走獸之像今此碑不畫四靈又知其
非李剛石壁也趙德夫雖云嘗得魯君石室所刻而

題其所藏碑則云武氏石室畫像其說云武氏有數
墓在濟之任城墓前有石室四壁刻古聖賢像趙君
東人當知其實而不能辯此畫為武氏誰人家前者
金鄉鉅野皆隸山陽與任城接境必是東州仟壟當
時競有此製予案任城有從事掾武梁碑以威宗元
嘉元年立其辭云孝子仲章季章季立孝孫子僑躬
脩子道竭家所有選擇名石南山之陽擢取妙好色
無斑黃前設壇墀後建祠堂良匠衛改雕文刻畫羅

列成行攄騁技巧委蛇有章似是謂此畫也故予以
武梁祠堂畫像名之後之人身履其壤會能因斯言
以求是先儒說三皇五帝者不一太史公采大戴禮
輿少昊而不錄經傳皆云帝顓之後黎為祝融蓋高
辛之火正也惟莊子以祝融氏與戲農赫胥同辭白
虎通既依史記五帝之序遂以戲農祝融為三皇至
論五行則又以祝融為南方之神初非通論此碑以
祝誦為祝融而介於戲農之間則白虎通之說也帝

王世紀稱上古聖人牛首蛇身之類亦猶孔子四十
九表所謂龜脊虎掌世之言相者有犀形鶴形之比
也俗儒作圖譜遂有真爲異類之狀者此碑所畫伏

戲自要以下若蛇然亦非也

碑以樊於其爲樊於期
秦武陽爲秦舞陽媿女

爲醜女凱式爲楷式斑連為斑爛者即
嗜字封即劫字掾即漿字魏即魏字

四老神坐神祚机

圈公神坐

角里先生神坐

園公神祚机

右四老神坐神祚机凡四楊子雲法言曰美行園公
綺里季夏黃公角里先生班孟堅叙近古逸民與楊
子同陳留志云園公姓庾字宣明常居園中因以為
號夏黃公姓崔名廣隱居夏里號曰黃公角里先生
姓周名術或曰霸上先生皇甫謐之徒說又相戾故
顏師古注漢書悉棄不取陶淵明詩有黃綺之南山
杜子美詩有黃綺終辭漢之句似亦以夏為地名也

惟圜稱陳留耆舊傳自序云圜公爲秦博士避地南山惠太子以爲司徒至稱士一世此刻有圜公神坐及神祚机則圜公蓋有所據也此四人者神坐及胙几當各有之今綺季角里尚闕其一而黃公者未見傳者云數十年前商於農人耕地得此

麒麟鳳凰碑

麒麟

鳳凰

右麒麟鳳凰碑凡二石其像高二尺餘圖寫甚有生
意所題四字頗大漢代鳳皇集郡國頗有之惟麟不
多見爾此刻亦猶李翕黃龍白鹿碑之類也又有山
陽麟鳳碑二物共一石其像小於此碑像下有贊云
天有奇鳥名曰鳳皇時下有德民富國昌黃龍嘉禾皆
不隱藏漢德巍巍分布宣揚又云天有奇獸名曰麒
麟時下有德安國富民忠臣竭節義以脩身闕愆采
善明明我君碑陰有記云永建元年山陽太守河內

孫君新刻瑞像最後有銘辭皆篆文也胡承公云其石兩旁有隸書六十九字趙氏但得其篆予所藏亦然

劉讓閣道題字

建寧元年十月上旬工楛爲武陽劉讓造

右劉讓所題十六字相傳云在蜀中閣道建寧者靈帝年號漢碑書楛爲之楛皆作楛

詔賜功臣家字

詔賜功臣家

右詔賜功臣家五大字今在蜀中似是漢人所書其事不可詳也

中部碑

上闕

一字祭酒謝俊

下闕

主記

闕三字

對規主簿

闕二字

子

闕門

闕

史李慈世

闕二字

曹掾任

下闕

右

下闕

曹

下闕

水曹下

闕

周

下闕

祭

下闕

武功

下闕

史

下闕

伯

下闕

臺

闕

舉

下闕

王亢陽

下闕

長尊

下闕

門

下闕

功曹

闕

門下游徽

下闕
主記史下闕
門下賊曹下闕
史闕
球下闕
掾卓下

闕
掾闕三
宣下闕
曹掾黃闕三
章右金曹掾慶嵩元下

闕
甫下闕
法曹闕
周順下闕
曹掾闕二
子能右賊曹掾

下闕
胡真下闕
兵曹掾文雒闕二
功曹史謝陽闕二
右

戶曹史陳闕三
右金曹史王闕三
法曹史闕二
子慎右

賊曹史王闕
尉闕
兵曹史闕
侯曹史下闕
尉曹史下闕

中倉曹史任烝下闕
曹史闕二
舉下闕
史張闕
元下闕

曹史闕二
元才闕二
畫夫鄭憲德量校官主闕
師周闕

子堅校官祭酒

闕

寧升舉

闕

部

書掾

闕

任定英茂

闕

里祭酒任

下闕

陽里祭酒李元升

下闕

新安

闕里祭酒

闕

郡

闕二

卓

下闕威

里祭酒卓世

下闕

明

闕二

里祭酒

解

下闕

永安里祭酒

下闕

安昌里祭酒楊邦

下闕

宜選

里祭酒韓子

下闕

中東里祭酒

闕

海明

下闕

西賈里祭

酒任仲礼

下闕

高陽里祭酒王暘德

下闕

營里祭酒

闕

德

下闕

中文營里祭酒周升

下闕

營里祭酒張永

下闕

右中部碑隸額今在均州凡題名五十餘人如漢世

碑陰而有額謂之中部殊不可曉石理漫滅名字虧
有存者所稱諸曹掾史功曹主簿與它碑同其間游
徼嗇夫各一人祭酒十六人其一人曰校官祭酒餘
則里祭酒也游徼嗇夫漢縣皆有之凡此諸曹史蓋
縣吏也成都左右生碑有文學祭酒則此之校官祭
酒也如淳曰祭祠時唯尊長者以酒沃酹胡廣曰古
者賓客得主人饌則老者一人舉酒以祭地凡官名
祭酒皆一位之元長也西京以宗室為劉氏祭酒著

節老臣如蘇武亦有此稱東京擇博士聰明有威重者一人爲祭酒此碑所書里祭酒雖未詳所出殆是閭里高年如鄉三老之類者

隸釋卷十六

欽定四庫全書

隸釋卷十七

宋 洪适 撰

趙相劉衡碑

富春丞張君碑

郎中郭君碑

廣漢屬國都尉丁魴碑

南陽太守秦頡碑

魯相謁孔廟殘碑

平原東郡門生蘇衡等題名

益州太守無名碑

并陰

吉成侯州輔碑

并陰

趙相劉衡碑

君諱衡字元宰濟南東平陵人也厥先尚矣聖漢龍興

下闕

王爰啓冀土遷于岱陰自康侯以來弈世承君

肖闕

頌之純

闕

丁炎

闕

之運時放依

下闕

相王

闕

其

果孚藻發於成就慕周行而彌長不

闕

竝之

闕

蹈

闕

之則不

闕

師訓之范而踐四教人道所謂義方

闕

二

闕

字

所謂言忠信不師而自

闕

者也是

闕

雄雋協服莫不

歸稱仕

下闕

侯

下闕

于

闕

勃海王帝之冢弟不遵憲典

君以特選為郎中令彈枉闕憲匡弼闕二以闕兄琅琊

相亡即日輕舉州察茂材闕除菑令遷張掖屬國都尉

以病徵拜議郎闕遼東屬國都尉不闕拜趙相左位三

下闕左疚闕二行闕拜議郎闕二連徵不就君之始仕

為吏師仍綏京闕興惠訓下闕陟功西尉渠搜荒服來

王後遷于趙叙民種德威懷闕立闕清闕二匡闕二直

字闕三俗惡容悅之密闕承闕靈以闕二宜錫闕福三壽

佻朋旻穹不弔闕三疾年五十有三以中平四闕二月

戊午碎其四月巳酉葬梁木圯墜閔嗣多孤下闕所自

律闕栳勒闕三字詒聲伐于後昆其辭曰

於穆我君邦家之闕正巳帥義求福不回闕言以道遠

闕先幾闕二字有疾百侯僉咨舍德何取將闕名闕如何

弗闕三字云亡天方闕靡闕肯降闕歿而名垂善闕令終

休烈孔闕永闕二字風爰勒金石千載遺芳

右趙相劉君碑在齊州歷城縣劉君名衡字元宰爲

渤海王郎中令察茂材除禧令歷張掖屬國都尉議

郎遼東屬國都尉趙相再爲議郎以靈帝中平四年卒碑云渤海王帝之冢弟不遵憲典君以特選爲郎中令渤海王名悝威宗之母弟也靈帝紀熹平元年書渤海王被誣謀反自殺曹節傳云節與王甫逐捕朱雀闕誹書人不獲誣奏渤海王誅之宋后傳載靈帝夢威宗曰悝已自貶又受誅斃今訴於天上帝震怒帝以問許永對曰渤海處國奉藩未嘗有過曾不證審遂伏其辜如史所載則渤海死非其罪似作碑

者附會時論辭有溢惡然威宗紀延熹八年書敦海
王謀反降爲癭陶王後二年復舊則渤海亦非身端
行治者癭陶旣已覆車不能率德遷善遂罹擊戮之
禍哀哉孝靈之夢則齊諧家所志也

碑以范為範碎
即卒字禁即刊

字

富春丞張君碑

君諱闕字闕龍闕君之第三子闕君之封弟下闕承父

兄下闕矜矜熹悔遊居出闕孝友宣聞忠信瀾下闕涉貫

多闕通朝立節正言卓下闕如松歲寒而不凋闕十州

迄事臨疑吐下闕深下闕其操闕智闕君闕之尤可稱

下闕有秩除吳郡下闕約清間教下闕丞道闕遘闕疾三

年癸亥景命不祿君闕嚴平李德上感下闕新市富春各

復早世既隕慈怒續嗣不茂哀心摧剥靡下闕碑古今

之常乃登山萊石刊照厥勛其辭曰娥娥富春膺姿清

烈孝擬參騫人無間伐與友必信久而闕密闕三敬州

閭稱實佐政流化垂歌吳域位細德弥禮讓維穆曷寤

旻穹此此英詰哀矣永祖命不可追周弘至仁弗能扞
違銘勛示後呂章厥輝

右漢故富春丞張君碑篆額在亳州張君之名髣髴
如湏字土人以為張湛亦非也碑載其父兄而官稱
磨滅誌文多不成章而銘詩可讀其間云三年癸亥
景命不祿考東都歷年凡三癸亥永平與光和之六
年延光之二年是也建光有三年則歲在癸亥但次
年壬戌已改延光亳社去雒陽不遠不應踰兩載而

不知改元也此碑先已裝翦不無顛倒棄去者三年

之下蓋有闕文也

世即世字
篆即采字

郎中郭君碑

漢郎中郭

下闕

君業

闕

安命書所

闕五

肅

闕六

其

下闕主

簿督郵

闕帥

下闕守

闕二思

闕二以

齊其民

闕二氏

其

闕二功

闕二氏

殆庶幾

闕其

有之

是以

似之

以孝廉

闕三郡

闕功

闕二氏

闕二氏

樹

闕室與

闕二如

闕二臨

闕如

闕二祠

烝嘗

惠兄

仲犀

犀

犀

奉繆鄉

闕禮終

闕舉

闕臺閣

以尹

王室

遭疾

闕旬

醫

並

闕究闕三剝切天子使弔羣后咸怨拮人違殂絕闕寒

之性既納闕二頌周南之闕遭闕二之誼爲人後者

爲之子州郡闕北俊艾叙聖踰拮君之功烈闕銘天府

乃共刊石樹碑式旌下闕

矣郭君柔嘉惟則玄靜闕重猗闕令色闕德惟闕威

儀是力從善懲惡讒慝斯闕功奮千里闕二咸闕孰不

呼天懷忠傷絕元兄繼世貞闕守節壺闕三載典籍矣

追顏驂冉通神明矣後人闕二永不闕矣

右漢郎中郭君之碑隸額名字皆缺文辭亦有可句者其云惠兄仲犀又云元兄繼世而有爲人後者爲之子之文蓋郭君以兄之子爲後也郭仲奇碑嘗有惠兄之稱此碑復爾仲犀者若非仲奇之伯仲則其同族也

廣漢屬國都尉丁魴碑

廣漢屬國故都尉丁君諱魴字紉河君

闕

往知形九德

就穆耽樂術藝文雅少疇治易韓詩垂意春秋兼究祕

闕

五義率由

闕二
字

明哲

闕二
字

漢劉

闕

落高明與世絕殊

建迹蜀郡屬國風沔巴蜀施刑

闕四
字

表以糾上

闕
荒
闕

州思加一郡化洽蜀柔三載功成遷廣漢

闕七
字

善疾惡

闕二
字

有

闕

朱紫不替

闕

蜀汶水爭弘鄂邦漑灌田畝

闕

沔疇佰

闕四
字

二

闕五
字

百

闕二
字

起駱驛紫微照察授以符

美

闕

理邊邦羗夷

闕

允

闕二
字

分部頓顙

闕二
字

朝廷諷誦

四遠翕赫鄉人好事嚴子脩

闕

仲容趙伯

闕二
字

發

闕二
字

汝報

闕

等六十餘人因斯表勒以效俊彦其辭曰

炎唐聖德祚闕漢皇百闕三字自西徂東隆平闕三字以建

邦闕不協和萬國明洞君惠子行志則闕從化闕三字奕

闕六字大闕八字以公爲世建闕五字无窮兮

元嘉元年十一月六日造

右廣漢屬國都尉丁君碑今在巴州威宗元嘉元年
立丁君名魴字叔河其碑僅有數句成文如云耽樂
術藝文雅少儔治易韓詩垂意春秋其仕則初爲蜀
郡屬國都尉三載功成遷于廣漢立碑者六十餘人

嚴子脩爲之首

碑以施刑為弛刑疇佰為疇陌駱驛為絡繹

南陽太守秦頡碑

上闕

胄伯益

下闕

佐成禹績

下闕

曰

下闕

以

下闕

邦奕世載德弓萬

生君稟堅和之行秉賢明之

下闕

施不求報惠子

闕二

然

而質性剛毅溫恭以將之勇

闕

以守貞

下闕

有全

闕

之

事三司來上爲會稽府丞

下闕

三

闕

光和三車拜

下闕

宣威恩齊其教不易其俗

下闕

交

闕二

降萬有

闕

人下

闕

可

下闕

久

下闕

之後

下闕

作

下闕

子道焉

下闕

之方

下闕

孝廉宛

闕二

子仁孝廉安衆

闕下

孝廉安衆劉略子達孝

廉安衆

闕四

孝廉安衆張儉子約孝廉章陵

闕四

孝廉

新野陰剛子直孝廉犢

闕四

孝廉順陽郭儀文卿孝廉

葉虞

闕三

孝廉宛史琬子俊孝廉章

闕二

能茂升上計

掾平氏朱諒季平上計掾

闕二

育子和上計史宛卓韶

闕

伯上計史宛

闕

艾

闕二

上計

闕下

右漢故南陽太守秦君之碑篆額歐趙皆云文已磨

滅惟存其額十大篆子所得者猶有九十餘字其後
有孝廉十一人上計掾史五人題名靈帝紀中平元
年三月南陽黃巾張曼成攻殺郡守褚貢六月南陽
太守秦頡擊曼成斬之三年二月江夏兵趙慈反殺
南陽太守秦頡水經云宜城有南陽太守秦頡墓墓
前有二碑頡郡人也以江夏都尉爲南陽守道過宜
城見一家東向頡駐車視之曰此可作塚後頡卒於
南陽喪還至此車不肯進故吏因市此宅葬之則知

此爲秦頡碑也其間有光和三年字蓋是述其前事
天下碑錄云碑在宜城熹平年立非也

魯相謁孔廟殘碑

上闕許闕帝命英授俾相考魯吉月令辰欽謁下闕地龜

闕藏寶覽鴻基之曠蕩觀林木之窈下闕揚美風而動

物和陰陽以興雨假爾收仰下闕訪之儒彥稽之典謨

聖德設章先民有下闕左盾櫟春秋烝嘗幾以獲福昔

左周人下闕成共立碑石因而銘之咸自紀藉天下闕

上闕 史字對德東海況基人 下闕 儒字仲雅東海郊

右無名碑首尾上下皆碎裂餘石纔有數行詳其辭
非是諛墓中人者亦非頌德政紀工役之事前有帝
命筭授俾相于魯吉月令辰欽謁十四字又云春秋
烝嘗幾以獲福蓋是謁廟之文後有訪之儒彥稽之
典謨聖德設章及昔在周人之句似皆是鋪張孔子
也中云覽鴻基之曠蕩觀林木之窈深似指孔林而
言或題為駐蹕亭前斷碑此亭蓋在闕里趙氏著錄

有魯相謁孔子碑而無其說疑即此也未有叔德仲

雅題名皆東海人而亡其姓碑以況基爲祝其乃春

秋夾谷之地

又以假爾爲選
通質即質字

平原東郡門生蘇衡等題名

上闕

國闕

字文闕

門生

平原高

闕三字

字

闕二字

門生東郡

下闕

門生北海劇

闕二字

字孟高門生東郡樂平蘇衡字

字闕二

門生平原高

闕二字

儀字威祖門生東郡樂平高扶

字闕二

門生

下闕

門生平

下闕

道超門生東郡聊城路

下闕 平原安德闕二 字闕 貴門生陳笛闕 馬師闕三 門

生平原安德寧下闕 漢興下闕 門生陳笛下闕 平原安

德闕二 字闕 雒子門生東郡闕三 伯將門生平原安德闕二

字闕 方門生陳笛下闕 門生下闕 子弘門生汝南闕 楊

下闕 原安德闕 武字文祖下闕 公輔門生平原安德闕

謖字伯超下闕 門生汝南闕 字闕 門生平原濕陰馬

象字世輔門生穎川下闕 表門生平原濕陰方闕 字次

闕 門生穎川下闕 門生平原股丁闕 字興祖門生梁國

睢陽

下闕

甫興門生平原股祝循字

闕二字

門生下邳徐

祖射字常真門生南陽樊

下闕

門生

下闕

文超

下闕

門

生平

下闕

東平無鹽

下闕

右平原東郡門生蘇衡等題名三十餘人蓋東郡平原北海陳留汝南潁川梁國下邳南陽東平十郡之士也姓名多已淪滅或云碑在孔里駐蹕亭前或題云孔府君碑陰天下碑錄載孔墓之碑凡八隸釋有其三矣趙氏有元年乙未孔君碣亦不知爲何人也

如司空孔扶河東太守孔宏御史孔翊從事孔君德

博士孔志五碑皆世所未見者

碑以股為般

益州太守無名碑

永壽元年三月十有九日益州太守闕君卒嗚呼懷哉

闕四如何我君遭命隕墜國喪雄幹世也罔則吏民闕

字立石紀迹其辭曰

上闕君其祖後闕為漢表磨位闕術闕名闕二字魏

狉狉獫獍堅良闕三字大郡闕有闕二字澄內清外以身帥

下誅豪討恩處闕二口闕二消慝述闕以寧貪饕改操

革濁爲清犁北安土人歌大平趨前守之治迹闕沒世

而無闕當闕五何闕二命不豫闕疾徂靈遠近傷切痛

于倉乾闕於舊闕長決闕二折而不朽名勒冊書嗚呼

懷哉

亂曰仲尼去魯子君子失路喪賢君子與誰憇失明拮

子入川戶名不滅子功笛後闕三子祐孫子

功曹掾建伶闕澤字文闕五主闕二字闕二從史牧靡闕二

字
字元白從史橋棟闕二字闕二故吏牧靡孫闕字闕

字
故吏滇池闕二字闕二故吏建伶闕二字闕二故吏

滇池王闕字闕材故闕五字闕二故闕五字闕二故闕五

字
字闕二故吏下闕故吏下闕故吏闕二王闕四故吏建

伶李闕四字闕四故吏下闕故吏下闕故吏下闕故吏下闕故吏

下闕故吏滇池王加字闕二故吏毅昌下闕故吏俞元下

闕故吏下闕故吏下闕故吏下闕故吏下闕故吏下闕

故吏下闕故吏下闕故吏下闕故吏下闕故吏下闕又闕六人闕七字闕故吏滇

池王

闕

字少

下闕

一字又闕

二人又闕六字

字升

下闕

一字又闕三人

故吏

下闕

故

下闕

故吏穀昌

下闕

右益州太守碑以朱爵爲額龜蛇爲趺龍虎銜辟在

其兩旁一崇碑也首云永壽元年三月十九日益州

太守某君卒其姓獨利滅或有謂之馮君者豈子所

藏偶不明邪碑云澄內清外以身帥下又云貪饕改

操革濁爲清則素絲羔羊之風必有光前絕後者夫

冊書鐵契高帝所以申信誓暴功臣也後人以斐豹

之事遂指丹書爲罪藉講德者不復用之此云名勒
丹書謂丹青也碑之左有功曹掾故吏題名四十八
人皆屬邑建伶牧靡楨棟滇池殺昌俞元之人也僅
有王李數姓可辨名字皆不具矣

碑以犁爲黎倉爲
蒼依即哀字恩即

惡字川
即坤字

益州太守碑陰

故吏牧靡陳漢字伯成故吏牧靡楊闕字茂材故吏牧

靡下闕

右益州太守碑陰有牧靡故吏三人題名在趺之右
此碑刻五玉三獸下有牛首蜀中漢碑如是者有柳
敏碑陰馮緄墓道雙排六玉碑又有單排六玉碑與
此凡四柳敏馮緄兩碑六者皆同此碑無璜單排碑
兩璜而無瑁鄭氏注周官云璧園象天琮八方象地
圭銳象春半圭曰璋半璧曰璜惟琥但云琥猛象秋
爲之圖者皆云琥以方玉刻伏虎之形聶崇義所畫
琮八出如花片陳祥道禮書又云琮體方而四角此

碑之琮則五角單排碑則十角馮柳碑中者則同鄭說
玉人云天子執冒以朝諸侯說者謂冒方四寸其下邪
刻之廣狹如圭首諸侯執圭來朝以此冒之所以濟
瑞信猶合符也圭有瑁者三獨無六器之琥爾此碑
刻瑁圭璋於上琮璧於下其中則鼎列三獸柳敏碑
則一禽圖於首一獸爲之趺六玉之中有牛首一而
貫之以環馮緄碑則其上刻禽獸各一其下一牛首
六玉之下又刻兩獸有一人跨其右者單排碑則上

朱爵而下玄武其六玉則右璋左圭又雙璜相向如
佩次之璧與琮又次之蜀人名之單排六玉未知何
人家前物也此碑之圭瑁馮緄之璧琮璜則白餘皆
黑也緄墓前又有一碑亦上朱爵而下玄武其中無
文謂之六物碑

吉成侯州輔碑

字

闕二
輔字

闕二
字

世

闕五
字

于炎

闕八
字

君

闕五
字

卿衛特以木

明敏達拜小黃門選事和熹后孝安帝安思皇后時為

大宮令孝順皇帝踐胙之闕復弘拜小黃門遷臧府令

當拜中常侍讓與同郡錡任後以病孫位起家復拜謁

者令中尚方闕遷中常侍遭順帝棄天下扶佐孝沖孝

質帝兼領黃門令順烈皇后攝政以君舊闕拜長樂大

闕遭孝質無嗣乃定冊帷幕懷立聖主有安社稷之勲

建和二年七月己巳詔冊曰蓋聞春秋之闕采毫毛之

善大漢典制有恩澤之封輔歷世守省恪恭位著建立

之際處乎左右常伯之職同闕協意以亮天功往者鄭

衆蔡倫行事科比其封輔爲葉吉成侯和平中君復轉

拜大長秋兼以闕侍之位括統前後明先帝法令曉舊

章之事周密澍慎奉已守度左寵弗盈能自挹損爵闕

日隆持之益懼每所典領威禁不犯遠惡辟害不離艱

難所謂摩而不粼涅而不緇者闕朝廷禮之以君耆老

有机杖之賜年六十有二永壽二年十二月丙子薨中

外咨悼賻贈闕等昔管蘇之尹楚以直見疎死記其闕

張卿之左漢闕季布之闕以安高后論德比隆君寔闕

闕於是鄉人姻族乃相與刊石樹碑昭宣令問其辭曰

威德之休實生君侯天授厥美忠貞以闕退翼軒闕達

闕華樞六帝四后是咨是諏錫以寵衣紫艾兼紆幹國

棟家以光以舒後闕二禮闕四人誰闕泥哉責不濡闕

君守固終始不渝旌之萬祀顯耀永譽

右漢故中常侍長樂大僕吉成侯州君之銘篆額州

君名輔爲小黃門大宮令復拜小黃門歷臧府令謁

者令中尚方令中常侍黃門令長樂大僕大長秋封

葉吉成侯以威宗永壽二年卒曹騰傳云與輔等以
定策功封亭侯騰所封者費亭輔之封葉吉成者葉
縣之吉成亭也此碑叙其歷事六帝四后詳贍有史
法與漢代它碑體格絕不同也東都閣尹挾震主之
威舉動回山海呼吸變霜露及家凶身裂而龜鼎亦
遷矣其碑刻存於今者有四曹騰碑陰乃兩制策爾
此碑謂其恪恭周密在寵弗盈當拜中常侍而遜其
鄉人樊安碑則謂其甘貧樂約不覬榮貴爲邑宰所

慢然後慷慨從宦譙敏碑則謂其倍權守靜韜光遠
咎恥與鄰人並驅三人者俱無列傳豈咸有殊操異
於輩流乎譽之必過其實蓋諛墓之辭爾

還即逮字
涅即涅字

緇即緇字
銖即越字

州輔碑陰

漢陽太守

下闕

故京兆尹延薦封堅故東平相溫貢顯

宗故益州太守駱肅文惠故交趾太守冠軍橋術伯道

故上黨太守州郡當世司徒長史宛任

闕

伯陽故光祿

丞宛趙堅對貞故臨湘令扶闕仲闕故鹵令馬浮元顯

廣平令王璋伯玉故廩犧令章陵錢訢禮公車騎將軍

司馬宛

闕二

守矩小侯新野鄧辰伯臺故細陽侯相州

寶季珍故河陽長州宗伯興尚書侍郎比陽張超伯載

故海昏侯相謝杲

闕

朝郎中州博起世光祿丞州永孟

元公車令州忠對玉故建城長何矩世舉故建昌長唐

超景遼故鄱陽長王福仲昭故南武陽侯相張和仲異

故便長督匡仲英故襄陽長辟敏對公故即長州湯伯

德郎中王恭季公郎中州元廣世郎中州超巨堅故隋
守長州歆宣雅故荊州從事州黠宣豫故荊州從事州
憲伯平故河隄從事張睢伯宗故軹長胡肅伯於霞土
趙訢公甫霞土李闕文德故督郵蘇闕義山故督郵杜
合巨孫故督郵魯陽袁苞景伯故闕守令州稱子明故
府掾杜瑗次高故府掾何進定安故府掾王萇伯闕故
府掾汪直元孝霞土州龍宣興霞土王闕公闕霞土傳

稠公

闕下

右州輔碑陰自漢陽太守而下四十有九人其八人稱邑曰冠軍曰宛曰章陵曰新野曰比陽曰魯陽皆南陽之邑也餘人唯延篤有傳乃南陽隼人則不稱邑者隼之人也碑云鄉人姻族相與刊石則又知輔爲隼縣人也輔當拜中常侍而遜其同郡錡任則輔蓋厚於鄉黨者故其殂而鄉人肯爲之立碑趙氏云東漢名卿賢大夫死則門生故吏立碑而題其陰延叔堅當代顯人挂名于此亦可恥觀叔堅與李文德

書豈登州氏之門者其後坐鉤黨廢錮鄉里至於圖
其形于屈原之廟非終始無疵安能有此靈帝時中
常侍張讓歸葬潁川一郡畢至而名士無往者張甚
恥之太丘長陳仲弓獨弔焉及後復誅黨人張感仲
弓故多所全宥史官稱之曰漢自中世闖人擅恣俗
遂以遁身矯潔放言為高士有不談此者則芸夫牧
兒已叫呼之矣故時政彌昏而其風愈往唯陳先生
進退之節必可度也蓋達而得位則正色立朝不可

朋姦而趨勢及身退窮處則同塵所以遠害固大雅君子之所尚方叔堅居里而同郡為輔勒石借其名以為重叔堅亦不得而拒也非若它碑門生故吏之比趙氏其何疑焉州姓見于簡策甚鮮此碑所題乃十有三人在內則令公車丞光祿居郎位在外則守上黨相細陽小者亦為州從事縣令長一璫在朝不但三人緩帶而已

隸釋卷十七

欽定四庫全書

隸釋卷十八

宋 洪适 撰

司空宗俱碑

太丘長陳寔壇碑

縣三老楊信碑

益州太守城塢碑

是邦雄桀碑

仲秋下旬碑

故吏應酬殘題名

司空宗俱碑

公諱俱字伯儷南陽安衆人也闕先蓋四岳生後闕宗

闕十
九字 禮父司榘校尉父長沙太守自初仕漢呂來禮族

枝葉闕二
十字 不闕
出闕七
殊闕七
大闕二十
三字 郡辟州察孝

除闕二
字 城門候闕五
郎中闕七
今闕十
二 詣尹英督骨徒

闕二
十字 移闕
不肅而成闕四
州郡仍闕十
一字 生足闕二
字 政闕

一外闕二
字 內闕二
任闕二
生闕十
三字 生闕二
字 呂闕二
闕七
字

令名布闕華夏闕三
字 不闕七
清而闕
六藉徵拜議郎闕

漢闕
字 大闕三
不闕二
十字 列功闕
生闕三十
字 議郎五官中郎

將越騎校尉闕十字 汝南太守闕十字 功闕十字 大闕六字 統八

闕三 台司闕十字 踐位闕九字 其辭曰

上闕九字 不闕四字 有闕伊闕入闕二天闕八呂闕九故闕十

而闕四不闕二十大闕三功闕九言闕二十康功闕二

承美適為大闕六字 少府闕慈肅恭適蕪大僕闕四字 適秩

大常三礼有闕帝曰闕詔適陟司空疆理物土闕十字 同

穹旻下闕

右漢司空宗公碑篆額有陰碑之文皆已殘缺惟名

字郡邑父祖獨存而官秩尚可見宗公名俱以察孝
為城門候歷郎中議郎五官中郎將越騎校尉汝南
太守少府太僕太常遂拜司空碑云祖父司隸校尉
父長沙太守范史靈帝紀建寧三年七月太常宗俱
為司空熹平二年正月薨宋均傳云族子意意自有
傳以章和中為司隸校尉其傳云孫俱靈帝時為司
空碑與史皆合惟傳誤以宗為宋爾俱持國秉一歲
有半雖無列傳不詳其人賢否而宦者傳云熹平元

年有人書朱雀闕言天下大亂曹節王甫幽殺太后

公卿皆尸祿無忠言者司隸劉猛以誹書言直不肯

急捕若俱者亦尸祿一人之數也

以禭爲祖英即典
字適即乃字碑中

之字皆
用篆文

太丘長陳寔壇碑

君諱寔字仲躬

闕十
二字

之禮樂蕃蕃良

闕

既光既耀

闕

立

於朝行成

闕七
字

竝荷從司徒掾

闕九
字

教宣流

闕六
字

儀魏

魏大清唯玄

闕

之明明

闕十
六字

著望色

闕

飛

闕

勛克戰

闕四

字翼闕十險而不闕三食闕五魚闕五其君闕六志老闕四

字闕耄矣梁頓山闕三貽闕九賢叅之方闕二仁學闕宗

道闕二百辟闕四臣吏民闕三懷惟闕三相與闕二碑

字闕二勒壇闕五靈我闕二昭闕下

右故太丘長潁陳君壇其篆額潁之下闕二字陳君名寔以靈帝中平三年卒本傳云潁川許人郡國志注獻帝徙都許改曰許昌此額所闕者潁之下是川又一字當是許也額之題郡邑猶劉曜東平無鹽之

比其云壇者蓋指廟中之壇段光爲孫叔敖立廟作
碑其文云興祀立壇是也此碑在亳州永城縣即古
之太丘也傳云以沛相賦歛違法乃解印綬去吏人
追思之碑中有色飛之句而飛之上下闕字盖用色
斯舉矣之意乃載其去邑事也蔡中郎凡作陳君三
碑其第一碑云許令以下至於國人立廟舊邑四時
烝嘗歡哀承祀如其祖禰先生存享重稱亡歆血食
脩行於已得斯於人固上世之所罕有前哲之所不

過也所謂立廟舊邑則知太丘有此碑勒其文皆已
亡缺無可讀者惟其首云君諱寔字仲躬尚存諸書
皆字陳君曰仲弓獨此碑不同殆是借用

縣三老楊信碑

故縣三老楊信字伯和祖自河東闕七字子任為陳苗大

守子游闕舉孝廉闕七遷陵蠻夷為盜賊居交侵闕蔣

厲兵甲闕二衆患闕敵闕阻與主簿闕六子闕十營闕二

字里第闕不闕七苗為闕民部縣闕三曹上列掾闕七

官掾功曹

闕事

長子

闕少

子

昌隱處潛

闕四

字人子

闕世

存惟子和乎大漢元丰

闕不

有

闕五

六月上旬大陽用事扶衛

闕二

學

闕六

大中

闕布

乃

闕二

罪罪

闕六

三老天性

闕三

字

闕七

字郡

闕之

禮鄉黨稱焉七十有二遭疾

闕哀

闕我

字愴

闕然

辟世乾川

闕三

宗

闕三

殞魂兮有靈時來歸

闕五

顏家絕

闕永

子孫楊

闕

追念義刑出

闕四

勒石

闕下

右縣三老楊信碑今在蜀中石已剝鮮有成章者
惟官氏名字俱存所云陳留太守則其父祖也其文
有蠻夷盜賊及蔣厲兵甲之句蓋是述其扞寇之績
其官惟有官掾功曹四字其中有惟兮和平大漢元
年之文惟兮歎息之辭張偉伯墓中石文亦用之和
平者威宗之紀年其末云七十有二遭疾則其所終
之壽也

碑以蔣為獎
缺即赫字

益州太守城垣碑

上闕夫闕矣君之先也肇自軒轅以臻弓君闕行布光

耀八坦君慕厥緒闕二之下闕衍然游學魯衛師孔氏

門鈎深河雒綜覽典墳於忠報君闕以禮招歷下闕公

闕獨立君臨危授命迺卦波邈回君闕一二百餘人

闕三請闕四尚書下闕漢中先零沈豆羌攻闕三皆犯

闕十之一字之好闕所鄉風靡闕二汁闕四四方會聚萬有餘

人牧守闕四寺闕後使者高闕二君二子闕二擊治

之所苦史闕故闕五分闕二遣徐福漢龍闕二皆盡不

實闕二不闕君闕移闕收捕闕四蜀之闕郭闕師徒闕七

字三府交命遂就大尉歷臺下闕八闕二益州郡縣十

八下闕十年三司集議闕君闕謀首露闕之闕有詔拜

君益州大守下闕沛水下闕流邑無蔽日之宇路無禽鳥之跡

字闕三所加下闕仁慈藜首愛下闕帥以狗豸衆收葬路殍

闕育孤闕至下闕于下闕玄月以闕又闕悉闕所闕二小有闕人

闕扶携闕耄小弘類而至闕人闕四鰥寡衆下闕十有八

闕復闕火此殘益州闕三賴闕四有闕二十二下闕之前

闕二闕三之後六闕二闕廿闕方三百里旬月之

間闕下木闕下大圍二尺闕四災闕不闕下於闕三二百餘人

因闕四功後世闕下

右無名碑蜀人謂之城垣碑未有方三百里圍二尺
字及用人用日數似是記板築事首云肇自軒轅以
臻于君則紀其族系也游學魯衛師孔氏門鉤深河
雒綜覽典墳則美其問學也自此歷官皆剋缺多叙
討擊寇攘鳩集流散之事有先零氏羌侵犯及四方

會聚萬有餘人之語三司集議以其有謀詔拜益州

太守餘或句有可讀而上下文不相屬矣

弘即引字

是邦雄桀碑

是邦

闕峻

生雄桀遇則國良失

闕八

羌畔戾

闕

動干

戈州郡時無賦發君設貨寶俱謁

闕五

不

人命義

闕二

字晉楊侯苗由彼適梁捷為武陽世

闕七

迄君

闕

知

闕二

字郡舉貢

闕五

掇

闕十

思

闕五

聲陰陽燮節百穀滋益

洽遠存

闕三

應

闕七

凶孽

闕二

楚荆大史

闕二

君將出

征遠

闕六

人

闕十

千君以

闕三

賓布

闕四

率

闕

羣

闕八

五年政崇

闕

平道不拾遺

闕六

九

闕十

為中興勲少

闕四

字

不義

闕四

紀其

闕

曰

上闕

字

方

闕二

方

闕四

伯

闕

德行光

闕

愛之風

闕三

右無名碑以天祿為額其下刻一牛首又有碑陰上

朱鳥而下玄武其中則沒字碑也此碑之首云是邦

峻生雄桀峻之上下各闕一字蓋言其山川孕秀也

其間有晉陽侯苗由彼適梁犍為武陽之句疑其姓

楊而家健為也其初云畔羌動干戈州郡無賦發君
設貨寶當是出家財以禦寇也其中又有君將出征
及賓布字亦是破賊之事碑今在西州字畫類李翊

碑盈字

仲秋下旬碑

上闕漢元成下闕氏之宗功冠當世下闕烈不隕厥問錫摠下闕

淵隕發明憲於事類鄉下闕蛾附遐邇晞風嘉再卓闕執

殷桓辭病不降下闕方華淹瘵紫載和下闕紀涪闕仲秋下

旬粵曰乖闕下物烜羣儒咨嗟凡闕其懷辭闕上大明爰

茲衰微三命縮羸悲彼闕下幽冥昔尔嬪儷孤嗣禪瑩歎

歎煠哉闕下徵嘉斯闕榮歎歎煠哉

右無名碑字畫清逸頗類故吏所立劉寬碑但石損

字缺所餘亡幾其云紀渚者歲在渚灘也仲秋下旬

粵日卒者所終月日也淹瘞累載者久苦沉痾也三

命縮羸者嘗選貢也背爾嬪儷孤嗣禪瑩者有妻帑

也爾雅父為考母為妣嬪婦也郭璞注引詩書大傷

厥考心聿嬪于京明非死異稱真州郭從事碑哀哀
考妣追惟實靈卜商號咷喪子失明此碑背爾嬪儂
皆祖爾雅之說禮記生曰父母妻死曰考妣嬪後人
自當爲二親避獨不以故妻爲嬪者豈以妃嬪之故

乎

碑以蛾爲
蟻禫爲單

故吏應酬殘題名

故吏應酬故吏趙溢

右郡

故吏舒苗故吏楠宗故吏畏習故吏楠田故吏張緒故
吏楠會故吏常楫故吏楠旦故吏楠庭故吏李稱故吏
張衍故吏趙肇故吏常荒故吏苟睢故吏王思故吏王
弋故吏董興故吏魏光故吏李興故吏朱明故吏楊生
故吏王麻故吏王恂故吏呂永故吏唐治故吏馮慈故
吏楊瑋故吏劉賓


右江原

右故吏應酬殘題名共三十人此石所存者橫兩行

爾上一行兩人之後則有右郫字其下一行凡十五人未有右江原字二邑皆隸蜀郡此蓋蜀郡太守碑

陰也

柎即構字
肇即肇字



隸釋卷十八

欽定四庫全書

史部
隸釋卷二十九

詳校官編修臣潘庭筠

編修臣程嘉謨覆勘

總校官進士臣繆琪

校對官助教臣羅萬選

校對官中書臣李斯咏

謄錄貢生臣李玠

謄錄監生臣譚世緯

欽定四庫全書

隸釋卷十九

魏大饗碑

魏受禪表

魏橫海將軍呂君碑

張平子碑

附

魏大饗碑

宋 洪适 撰

魏公卿上尊號奏

魏脩孔子廟碑

范式碑

惟延康元季八月旬有八日辛未魏王龍興踐祚規恢
鴻業構亮皇基萬邛統世忿吳夷之凶暴滅蜀虜之僭
逞于赫斯怒順天致罰奮爐席之校簡猛銳之卒爰整
六軍率匈奴暨單于烏桓鮮卑引弓之類持戟百萬控
弦千隊玄甲曜野華旗蔽日天動雷震星流電發戎備
素辦役不更藉農夫安疇商不變肆是以士有拊諫之
驩民懷惠康之德皇恩所漸無遠不至武師所加無強
不服故寬令西飛則蜀將東馳六旆南徂則吳黨委質

二虜震驚魚爛墮潰將汜自三江之流方軌邛來之阪
斬吳夷以染鉞立蜀虜以鑿鼓曜天威於遐裔復九圻
之疆寓除生民之災孽去聖皇之宿憤次于舊邑觀釁
而動築壇壝之宮置表著之位大饗六軍爰及譙縣父
老男女臨饗之日陳兵清涂慶雲垂覆乃備俾禦整法
駕設天宮之列衛乘金華之鸞路建升龍於大常張天
狼之威弧于乘風舉萬騎龍驤威靈之飾震曜康衢旣
登高壇蔭九增之華蓋處流蘇之幄坐陳旅酬之高會

行無筭之酣飲百酒波流膏烝陵積諸師設縣金奏讚
樂六變既畢乃陳祕戲巴俞丸劍竒舞麗倒衝夾踰鋒
上南踰高船鼎緣幢舞輪擿鏡騁狗逐兔戲馬立騎之
妙技白席青廉辟非辟耶魚龍靈龜國鎮之恠獸瓌變
屈出異巧神化自卿校將守以下下及陪臺繇圖莫不
歆淫宴喜咸懷醉飽雖夏啓均臺之饗周成岐陽之猋
高祖邑中之會光武舊里之宴何以尚茲是以刊石立
銘光示來葉其辭曰

赫王師征南裔舊靈威震天外異夷驚蜀虜竄區夏清
八荒文幸舊艷設高會皇德洽洪恩邁刊金石光萬世
右大饗之碑篆額在亳州譙縣魏文帝延康元年立
相傳爲梁鵠書碑字有不明者唐大中年亳州守李暨
再刻故有文可讀漢獻帝建安二十五年正月魏王
曹操死其子丕嗣位改元延康魏志云丕以七月甲
午軍次于譙大饗六軍是時漢鼎猶未移也不爲人
臣而自用正朔刻之金石可謂無君之罪人也武王

載西伯神主於軍中者弔民伐罪之師也不以姦賊之心欲吞吳翦蜀遂攘神器爾操之肉未寒而置酒高會酣飲無筭金奏間作祕戲畢陳誇辭諛語無所忌憚可謂無父之罪人也士大夫櫝藏其碑者特以字畫之故爾碑云八月至譙而史作七月亦不必多

辨也

碑以俾御為蹕禦九增為九層
三字均臺為鈞臺殺為蒐

魏公卿上尊號奏

相國安樂鄉侯臣歆大尉都亭侯臣詡御史大夫安陵

亭侯臣朗使持節行都督督軍車騎將軍

闕二字

臣仁輔

國將軍清苑鄉侯臣若虛牙將軍南昌亭侯臣輔輕車
將軍都亭侯臣忠冠軍將軍好畤鄉侯臣秋渡遼將軍
都亭侯臣柔衛將軍國明亭侯臣洪使持節行都督督
軍鎮西將軍東鄉侯臣真使持節行都督督軍領揚州
刺史征東將軍安陽鄉侯臣休使持節行都督督軍征
南將軍平陵亭侯臣尚使持節行都督督軍徐州刺史
鎮東將軍武安鄉侯臣霸使持節左將軍中鄉侯臣邵

使持節右將軍建鄉侯臣晃使持節前將軍都鄉侯臣
遼使持節後將軍華鄉侯臣靈匈奴南單于臣京奉常
臣貞郾中令臣洽衛尉安國亭侯臣昱大僕臣憂大理
東武亭侯臣繇大農臣霸少府臣林督軍御史將作大
匠千秋亭侯臣照中領軍中陽鄉侯臣楸中護軍臣陟
毛騎校尉都亭侯臣祖長水校尉關內侯臣凌步兵校
尉關內侯臣福射聲校尉關內侯臣質振威將軍涅鄉
亭侯臣題征虜將軍都亭侯臣觸振武將軍尉猛亭侯

臣當忠義將軍樂鄉亭侯臣生建節將軍平樂亭侯臣
圃安衆將軍元就亭侯臣神翼衛將軍都亭侯臣瓚討
夷將軍成遷亭侯臣慎懷遠將軍關內侯臣異綏邊將
軍常樂亭侯臣後安夷將軍高梁亭侯臣曷舊武將軍
長安亭侯臣豐武衛將軍安昌亭侯臣褚等稽首言臣
等前上言漢帝奉天命以固禪羣臣因天命以固請而
陛下違天命以固辭臣等頑愚猶知其不可况神祇之
心乎宜蒙納許以福海內欣戴之望而丁卯制書詔臣

等曰

闕五字魏志云以德則孤不

足以時則虜未滅若以羣賢之靈

得保首領終君魏國於孤足矣若孤者胡足以辱四海

至乎天瑞人事皆

先王聖德遺慶孤何有焉是以未敢聞命臣等伏讀詔書於邑益甚臣等聞易稱聖人奉天時而論曰君子畏

天命

闕五字魏志云天命有去就

然後帝者有禪代是以唐之禪虞

命以在爾虞之順唐謂之受終堯知天命去已故不得

不禪舜知歷數在躬故不

闕五字魏志云不敢不受不得

不禪奉天時

也不敢不受畏天命也漢朝雖承季末陵遲之餘猶務奉天命以則堯道是以顓禪帝位而歸二女

陛下正於大魏受命之初抑虞夏之達節尚延陵之讓體所枉者大所直者小所詳者輕所略者重中人凡士

闕二字魏志云猶為

陛下陋之歿者有靈則重華必忿憤於倉梧之神墓大夏必鬱悒於會稽之山陰

武王必不悅於

高陵之玄宮矣是以臣等敢以死請且漢政在奄宦祿去帝室七世矣遂集去石于其宮殿而二京爲之空虛

闕七字魏志云當是之時四海蕩

覆天下分崩

武王親衣甲而冠冑沐雨而櫛風爲民請命則活萬國

爲世撥亂則致升平鳩民而立長築官而置吏元

闕四字魏

志云元無過罔於闕五字魏志云

造於華裔

陛下即位光昭文德以翊武功勤恤民隱視之如傷懼

者寧之勞者休之寒者以煖飢者以充遠人以德服

魏志

云恩復 寇敵以闕三字魏志

恩種德光被四表稽古薦睦

茂于放勲罔漏吞且裕于周文是以布政未朞人神並

和皇天則降甘露而臻四靈

闕三字魏志云后土則

挺芝

闕二字魏志云

草而吐醴泉虜豹鹿菟咸素其色雉鳩燕爵亦白其羽連

理之木同心之瓜五采之魚珍祥瑞物雜還於其間者

無不畢備

闕一字魏志云古

人有言澈

闕一字魏志云禹

吾其魚乎澈

大魏則臣等之白骨既交橫于曠野矣伏省羣臣內外

前後章奏所以陳叙

陛下之符命者莫不條河洛之圖書授天地之瑞應因

漢朝之款誠宣萬方之景附可謂信矣著矣闕矣裕矣

高矣邵矣

闕二字魏志云三王

無以及五帝無以加民命之懸於

魏邦民心之繫於魏政世有餘年矣

闕一字魏志云此

乃千世

時至之會萬載壹遇之秋達節廣

闕三字魏志云度宜昭

於闕三字魏

志云斯際拘

學狹

闕一字魏志此一

不施於此時久稽天命

罪在臣等輒營壇場具禮儀擇吉

闕一字魏志云日

昭告昊天

上帝秩羣神之禮湏禋祭畢

闕三字魏志云會群寮

于朝

闕一字魏志云

堂
議季號正朔服色當所以施行臣謹拜表朝堂臣歆
臣詡臣朗臣仁臣若臣輔臣忠臣秋臣采臣洪臣真臣
休臣尚臣霸臣邵臣晃臣遼臣靈臣泉臣貞臣洽臣昱
臣憂臣繇臣霸臣林臣照臣楙臣陟臣祖臣凌臣福臣
質臣題臣觸臣當臣僉曰

陛下聖德懿侔兩儀皇符照晰受命咸宜且有熊之興
地出大螻夏后承統木榮冬敷殷湯革命白狼銜鉤周

武觀

闕五

方之今日未足以喻而猶以一至之慶寵神

當時紹天即祚負宸而治况於大魏靈瑞若茲者乎蓋天命不可以辭闕五字以意距大統不可以久曠萬國不可以無主宜順民神速承天序於是

皇帝乃回思遷慮旁觀庶徵上在璿機並之周易卜以守龜龜並龍吉五反靡違乃覽公卿之議順皇天之命

練吉日

闕四字

唐典之明憲遵大鹿之遺訓遂於繁昌築

靈壇設壇宮跼圭璧儲犧牲延公侯卿士常伯常任納

言諸節出牧邦君席

闕四字

匈奴南單于東夷南蠻西戎

北狄王侯君長之羣入自旗門咸旅于位

皇帝乃受天子之籍冠通天龍袞龍穆穆皇皇物有其容上公策祝燔燎棫樸告類上帝望秩五岳烟于六宗

徧于羣神

闕三字

晏祥風來臻乃詔有司大赦天下改元

正始開皇綱闡帝載殊徽幟革器械脩廢官班瑞節同律量衡更姓改物勒崇垂鴻創闕作則永保天祿俾之

罔極

先皇龍興饗國撫柔烝民化以醇德崇在寬之政邁愷

悌之教宣重光以照下擬陽春以播惠開禁倉散滯積

家臣

闕五字

之錫衆地陪臺蒙賙餼之養興遺勲繼絕世

廢忘之勞獲金爵之賞襁褓之孤食舊德之祿善無敵

而不旌功無細

闕五字

戎士哀矜庶獄罷戎役焚丹書囚

圓虛靜外無曠夫玄澤雲行罔不沾渥若夫覆載簡易

劉采允宜乾以之德陰陽

闕六字

類育物奮庸造化之道

四時之功也寬容淵嘿恩洽羣勅皇戲之質堯舜之姿

也孜孜業業邁德濟民伯禹之勞

闕五字

叡智神武料敵

用兵殷湯之略周發之明也廣大配天地茂德苞衆聖

鴻恩洽於區夏仁聲播於八荒雖象骨所闕六和而來

王是以休徵屢集和氣烟煴上降乾祉下發玃珎天關

啓闡四靈具臻涌醴橫流山見黃人所以顯受命之闕五

字之期運也其餘甘露零於豐草野蠶繭於茂樹嘉禾

神芝奇禽靈獸窮祥極瑞者朞月之間蓋七百餘見自

金天闕五嘉祥之降未有若今之盛者也是以漢氏

覩歷數之去已知神器之有歸稽唐禪虞紹天明命釐

嬪二女欽授天位

皇帝謙退讓德不嗣至于再至于三於是羣公卿士生臣圃臣神臣衢臣慎臣巽臣俊臣曷臣豐臣楮誠惶誠懼頓首頓首死罪死罪

右公卿將軍上尊號奏篆額在頴昌相傳爲鍾繇書其中有大理東武亭侯臣繇者乃其人也曹氏父子睥睨漢祚非一朝夕勢極事就乃欲追大麓之蹤竊箕山之節後世果可欺乎又自比媯汭納漢二女豐

碑至今不磨所以播其惡於無窮也當時內外前後
勸進之辭不一此蓋刻其最後一章魏志注中亦載
此文有數字不同非史臣筆削之辭也皆當以碑爲
正碑自造于華裔之後石理皴剝字跡曖昧今世所
傳者多是前一段爾

魏受禪表

維黃初元年冬十月辛未

皇帝受禪于漢氏上稽儀極下考前訓書挈所錄帝王

遺事義莫顯於禪德美莫盛於受終故書陳納于大鹿

傳稱歷數

闕二字

是以降世且二百年幾三千堯舜之事

復存于今允皇代之上儀帝者之高致也故立斯表以

昭德

闕

義焉

皇帝體乾剛之懿姿紹有虞之黃裔九德既諫欽明文

塞齊光日月林蕪三極及嗣位

右魏受禪表篆額在頴昌亦曰鍾繇書所謂表者蓋

表揭其事非表奏之表也碑云黃初元年十月辛未

受禪于漢漢紀作乙卯魏志作十一月庚午裴松之
注所載甚詳蓋是月十三日乙卯漢帝使張愔奉璽
綬詔冊禪位于魏魏王辭者三及漢冊四至乃以二
十九日辛未升壇受命碑之所載是也水經云繁昌
城內有三臺人謂之繁昌臺壇前有二碑其後六字
生金論者以爲司馬金行故曹氏六世遷魏而事晉
此蓋附會符命之談也

碑以挈爲契以烟煇爲網緼
以烟于六宗爲禋于六宗

魏脩孔子廟碑

維黃初元年大魏受命膺軒轅之高縱紹虞氏之遐統
應歷數以改物揚仁風以作教於是捐五瑞斑宗彝鈞
衡石同度量秩羣祀於無文順天時以布化既乃緡熙
聖緒昭顯上世追存二代三恪之禮兼紹宣尼褒成之
後以魯縣百戶命孔子廿一世孫議郎孔羨為宗聖侯
以奉孔子之祀

制詔三公曰昔仲尼姿大聖之丈懷帝王之器當衰周

闕二字魏
志作之末

而無受命之運

闕

生子魯衛之朝教化乎汶

泗之上栖栖焉皇皇焉欲屈已以存道貶身以救世當

闕三字魏志
作時三公

終莫能用乃追考五代之禮脩素王之事

因魯史而制春秋就大師而正雅頌俾千載之後莫不
采其文以述作邛其聖以成謀咨可謂命世大聖億載
之師表者已遭天下大亂百祀隳壞舊居之廟毀而不
脩衰成之後絕而莫繼闕里不聞講誦之聲四時不睹
烝嘗之位斯豈所謂崇化報功盛德百世必祀者哉嗟
乎朕甚閔焉其以議郎孔羨為宗聖侯邑百戶奉孔子

之祀令魯郡脩起舊廟置百石吏卒以守衛之又於其
外廣為屋宇以居學者於是魯之父老諸生游士睹廟
堂之始復觀俎豆之初設嘉聖靈於髣髴想禎祥之來
集乃慨然而歎曰大道衰廢禮學滅絕世餘年

皇上懷仁聖之懿德兼二儀之化育廣大苞於無方

闕

恩淪於不測故自受命以來天人咸和神氣烟溫嘉瑞
踵武休徵屢臻殊俗解編髮而慕義遐夷越險阻而來
賓雖大皓遊龍以君世虞氏儀鳳以臨民伯禹命玄宮

而為夏后西伯由岐社而為周文尚何足稱於大魏哉
若乃紹繼徽絕興脩廢官疇咨稽古崇配乾以允神明
之所福祚宇內之所歡欣也豈徒魯邦而已哉爾乃感
段人路寤之義嘉先民泮宮之事以為高宗僖公蓋嗣
世之王諸侯之國耳猶著德於名頌騰聲乎千載况今
聖皇肇造區夏創業垂統受命之日曾未下輿而褒崇
大聖隆化如此能無頌乎乃作頌曰

煌煌大魏受命溥將并體黃虞舍夏苞商降釐下土上

清三光羣祀咸秩靡事不綱嘉彼玄聖有邈其靈遭世
霧亂莫顯其榮衰成既絕寤廟斯傾闕里蕭條靡歆靡
馨我皇悼之尋其世武乃建宗聖以紹厥後脩復舊堂
豐其費宇莘莘學徒爰居爰處王教既備羣小遄沮魯
道以興永作憲矩洪聲登假神祇來和休徵維還瑞我
邦家內光區域外被荒遐殊方重譯搏拊揚歌於赫四
聖運世應期仲尼既没文亦在茲彬彬我后越而五之
並于億載如山之基

右魯孔子廟之碑篆額嘉祐中郡守張稚圭按圖經
題曰魏陳思王曹植詞梁鵠書魏志黃初二年正月
詔以議郎孔羨爲宗聖侯奉孔子祀令魯郡脩起舊
廟置吏卒守衛碑云元年而史作二年誤也後漢孔
僖傳注以羨爲崇聖侯亦誤也文帝履位之初首能
尊崇先聖刊寫琬琰知所本矣使其味素王之言行
六經之道則豈止鼎峙之業而已哉魏隸可珍者四
碑此爲之冠甚有石經論語筆法大饗碑蓋不相遠

若繁昌兩碑則自是一家亦有以爲鵠書者非也

以碑

烟煨為絢縕終軍
傳辨髮作編髮

魏橫海將軍呂君碑

君諱

闕六
字

傳望人也其先四鬻出自炎帝

闕八
字

內輔機

衡外司方職是呂

闕

族繁毓申呂竝興君其胄也君天

姿杲毅仍

闕

於武武而不害當值季末漢失其御羣雄

爭逸海內

闕

隔王塗穢塞君呂中勇顯名州司試守雉

長執戈秉戎慎守疆易兵不頓於敵國堅不侵於四鄰

拜武猛都尉厲節中郎將裨將軍封關內侯王師南征
與充軍從奄有江漢舍爵冊勲封陰德亭侯領郡鳩集
荒散爲民統紀三考有成轉拜平狄將軍改封盧亭侯
莅國賦政十有三季正身帥下儉呂足用食不感膳坐
不重席殿無食粟之馬出無副車之從生不利家死不
託孤可謂良大夫也雖叔敖相楚晏嬰在齊不能尚也
行師御衆暑跣不蓋寒跣不裘其於戰也跣履矢石之
所及鋒刃之所先雖古良將不能踰也會水賊闕
猖

獮爲效蕩搖邊鄙度劉民人而洪水播溢汜沒樊城平
源十月外瀆潛通猛將驍騎載沉載浮於是不逞作慝
羣凶鼎沸或保城而叛或率衆負旌自郢敵門中人呂
下竝生異心君威懷之信臨難益著故能桀然攘除姦
逆獨存社稷連城十三民無虺蜴帝加其庸轉拜橫海
將軍徙封西鄂都鄉侯食邑并七百戶將遂殺聲弓方
表掃醜虜於南域建元功亏大魏書洪闕於宗彝不弔
旻天降茲災咎寢疾一旬大命隕隧季六十有一黃初

二季正月闕子薨闕帝主閔闕二字寮傷悼使謁者弔

祠賻贈有加臣吏士庶莫不哀闕於是故郡吏闕二字楊

向闕二字追惟惠君攀慕罔極迺共刊石勒銘昭示來裔

其辭曰

炎靈降精鬱祚後昆膺期誕授寔生我君栢栢闕毅抑

之呂文闕整軍容入在惠民御敵用威附下呂仁義刑

既著允濟闕勲鑽功金石下闕

右魏故橫海將軍章陵太守都鄉侯呂君之碑篆額

呂君名字皆剝以黃初二年卒關羽傳云建安二
十四年羽攻曹仁於樊秋霖水溢于禁七軍皆沒群
盜遙受印號爲之支黨羽威震華夏曹公議遷許以
避之碑云水賊關羽猖獗爲寇洪水播溢猛將沉沒
群凶鼎沸皆實錄也魏隸之佳者惟鍾梁之碑四若
范式碑則又次之此刻差勝賈逵劉熹爾姑存之
以碑
中勇爲忠勇壘易爲疆場平原十刃爲平原十刃隕
隨爲隕墜墜即地字搜即搜字威即威字圍即播字

范式碑

君諱式字

闕八
字

功存有夏寔曰御龍

闕

旺商周世昭其

隆晉主夏盟有士會者先演弘謨翼宗霸業錫邑命族

闕

爲范氏則其後也君稟靈醇之茂度體玄亮之殊高

徽采懿恭明允薦怒九德靡爽百行淵備弘道耽藝恢

韜墳藉探嘖研機罔深不入若乃立德隆禮樹節寶真

志諒足以弼國薦友足以輔仁用能昭其洪懿聲充宇

甸接華彥於汝墳潤枯斃於荆漢超管鮑之遐蹤信靈

諱乎炳煥是以

闕

化泉流芳

闕

鴻奮耀仁闡於權輿濟

俗侔乎皇訓羣公偉焉弓旌盈路再讓考

闕二字

三府舉

高第侍御史拜冀州刺史糾剔瑕慝六教允施翰飛肅

於鷹揚興刑

闕二字

軌

闕帝

其勲遷廬江太守擬泰和

以陶化昭八則以隆治彌

闕

弘略惠訓亡倦

闕二字

協

字齊

闕二字

清源之深闕寶疏氏之至順以疾告辭韜光

潛耀詠琴詩以寧

闕九字

其猶充洽外內寔紹德之奧藪

而儀民之淵表也未亮三事

闕三字

終

闕六字

常山相暨子

汜孫而胤嗣匹繼粵青龍三年正月丙戌縣長汝南薛

闕七

感靈墀之不饗思隆懿模以紹奕世乃與縣之碩

儒咨典謨之中

闕

同宗

闕三

之胄昭告祖考俾守厥祀

本支著宣融之祚人神協休茂之慶焉禮也於是鄉

闕二

字

上計掾翟循州部泰山從事史翟邵等僉以爲君雖

輝名載藉光颺前列而靈墳亡

闕

儀問靡述遂相與略

依舊傳昭撰景行刊銘樹墓以聲百世其辭曰

於昭上德實唐之胄誕表靈和蹈規履信窮神周覽祚

道之訓邁德徽猶鴻漸

闕

舊穢彼夸毗寶此醇懿以文

會友以仁翼

闕

敷化濟殖羣生以遂永言孝思民之攸

暨如何昊天不信其軌明德不報脣胙亡紀爰輯訓典

詢爾髦士育茲

缺

以永遐祉詒厥孫謀燿于萬祀

右故廬江太守范府君之碑篆額在濟州任城魏明

帝青龍三年縣長薛君鄉人翟循等所立范君名式

字巨卿山陽金鄉人仕漢至廬江太守傳書張劭陳

平子孔嵩三事甚詳至治郡則云有威名而已此碑

辭勝而事寡雖曰略依舊傳昭撰景行但云篤友足

以輔仁超管鮑之遐蹤爾未足以光颺盛德也傳云
爲荊州刺史而碑作冀州以新野之事證之則碑誤
也此碑雖不及延康黃初四刻在魏隸它碑中可取
爾唐李嗣真作書後品乃云蔡公諸體惟范巨卿碑
風華艷麗古今冠絕甚矣藻鑒之謬也

噴即贖字
缺即赫字

張平子碑

附

河間諱衡字平子南陽此縣人也體德純和秉行孝友
加以俊才命並英識秀建崔子壬爲之

下

造化高才瑋

藝與神合契君子以爲寢然聞之風聲至於仕乎史官

筭二儀之數研陰陽之理

闕二字

日月致巧渾儀有極深

探賾之思數崔知來之驗此崔生所以發德音也若夫

好學博古貫綜謨藉墳典丘索之流經禮訓詁之載百

家九流之辯詩賦雅頌之辭金匱壬板之奧識契圖緯

之文音樂書畫之藝方技博奕之巧自泝範繇倫以還

于若鄭子之所習介盧之所識者罔不該羅其情原始

要終故能學爲人英文爲辭宗紹義和之顯跡系相如

之遐風向若生於春秋之間游乎闕里之堂將同貫宰
貢齊衡游夏豈值取足於身中垂名於一涂哉是以先
生恒屈於不知已仕居下位再爲史官而發應間之論
時不容道遂興思玄之賦爰登侍中則黨言允諧出相
河間則黎民時雖庸渠限其所至哉若夫巡狩誥頌所
以敷陳主德二京南都所以贊美畿輦者與雅頌爭流
英英考其有味與若又造事屬辭因物興闕下筆流藻
潛思發義文無擇辭言必華麗自屬文之士未有如先

生之善選言者也南陽相夏侯湛自涉境以經于諸邑
每縣咨其故老訪其先賢有北者表其墓經墳者揖其
魂涂出魯陽行次西鄂眇孤山而頌闕英歷巖邑而懷
夫子暨路過瑩域止駕衢肯覩封樹之蕭條觀高碑之
稱美於是慨然永思愴尔長懷若死者可起吾其與歸
乃延邑宰而問之曰晉武王入殷封比干之隴高祖經
魏酌信陵之墓此聖賢之所以禮忠旌能甄表明德也
有可以優其胤嗣者禮其在是而垂冑絕紹支庶無聞

於是乃翦其壚落寵其宗人使奉其四時獻其粢盛遂
糾集舊跡攝載新懷而書之碑側以闡美抒思焉其頌

曰

奕奕張生秉德淑清研深綜理思俊才英實掌天地幽
贊神明冠囊興美傾漢流聲匪唯天象亦垂人文有炳
其猶有鑠其新仰鑒遺藉馳心殆人殊立投好百載交
神奉命南邦行出爾涂闕及隧首輟駕前衢徘徊崇碑
逍遙故墟企仰罔瞻長懷焉如筭在先賢唯德佐友古

而無死願言攜手去則茲泯道乃

闕二
字

在珠詠隋于辟

稱和戢寶無彫人壽幾何望兼京壹思踰竝河

右張平子碑晉南陽相夏侯湛作水經云西鄂縣有平子墓墓東有碑文字悉是篆崔瑗之辭也盛弘之郭仲產並云夏侯孝若爲郡薄其文復刊碑陰爲銘然碑陰二銘乃崔子玉及陳翕隸字耳墓次又有二碑唯見其一以夏景驛途疲而莫究酈氏之說如此今世所傳凡百君子者即平子篆碑其石已中斷合

向城後碑始能成文此刻有夏侯湛姓名而云書之
碑側蓋酈氏考之不詳也魏隸自范式之後隸釋悉
棄不取吳之谷明陸禕碑晉之旉述鄧乂碑皆體弱
格卑已去黃初遠甚視熹平光和年所刻殆天冠地
屨之不侔也此碑在同時字畫中僅有可觀因贅之
篇尾亦以見一代佐書其工者止此爾

碑以直為直
以黨言為黨

言以蕭條
為蕭條

諫釋卷十九